



Amt für Justizvollzug Graubünden  
Uffizi per l'execuziun giudiziala dal Grischun  
Ufficio per l'esecuzione giudiziaria dei Grigioni

Uffizi per l'execuziun giudiziala dal Grischun  
Servetsch d'execuziun e d'assistenza da reabilitaziun  
Gabenstrasse 15  
CH-7001 Cuira  
Telefon +41 81 257 52 50  
info@ajv.gr.ch  
www.ajv.gr.ch

## Fegl d'infurmaziun davart l'expiaziun da chastis nuncundiziunads

### Pussaivladads d'expiar il chasti

Chastis pon vegnir expiads – tut tenor la durada e tut tenor la situaziun persunala da la persuna sentenziada – en furma da lavur d'utilitad publica, d'in electronic monitoring, d'ina mesa-praschunia u en ina praschun en l'uschenumnada execuziun normala.

### Lavur d'utilitad publica (LUP)

La lavur d'utilitad publica è in'expiaziun dal chasti socialmain cumpatibla en furma da la prestaziun da lavur gratuita a favur d'instituziuns socialas u d'ovras d'interess public, per exemplu en ina chasa da persunas attempadas, en in ospital u en in manaschi communal. Il servetsch d'execuziun e d'assistenza da reabilitaziun (SER) sclerescha ensemen cun la persuna sentenziada las pussaivladads d'acziun ed intermediescha in lieu da lavur adattà. El fixescha la perioda, entaifer la quala la LUP sto vegnir prestada. La LUP sto vegnir prestada entaifer maximalmain 2 onns, en cas da multas entaifer 1 onn. Per emna ston per regla vegnir prestadas almain 8 uras lavur d'utilitad publica.

### Tge chastis pon vegnir expiads cun lavur d'utilitad publica?

La lavur d'utilitad publica è pussaivla per chastis da maximalmain 6 mais. Plirs chastis vegnan adids.

### Tge premissas datti per la lavur d'utilitad publica?

- La persuna sentenziada sto far ina dumonda.
- La persuna petenta ha in dretg da dimora<sup>1</sup> valaivel per la Svizra e la dretgira n'ha betg pronunzià in'expulsiun.
- Las cundiziuns generalas determinadas dal SER e dal manaschi d'engaschament ston vegnir observadas.
- La persuna sentenziada accepta ch'ils causals penals, per ils quals ella è vegnida sentenziada, vegnan rendids enconuschents al manaschi d'engaschament.
- In privel da fugia sto esser exclus ed i sto esser segir ch'i na vegnian commess nagins ulteriurs acts chastiabels.
- La persuna sentenziada sto cumprovar ch'ella haja in'assicuranza cunter accidents.

### Tge custs resultan per la lavur d'utilitad publica?

Per far lavur d'utilitad publica na vegn pajà nagin salari. Eventuals custs da viadi ed expensas sto la persuna sentenziada surpigliar sezza.

## **Electronic monitoring (EM)**

En il EM cuntascha la persuna sentenziada cun sia laver actuala, cun sia scolaziun u cun sia occupaziun durant l'expiaziun dal chasti e passenta il temp da paus ed il temp liber en l'arrest da chasa surveglià electronicamain. Il SER fixescha ensemes cun la persuna sentenziada in program da l'emna cun temps da laver e d'arrest da chasa. Durant ils temps d'arrest da chasa fixads sto la persuna sentenziada sa trategnair en l'abitaziun. Survegliada vegn ella sur in emettur che vegn lià vi dal ravel da la persuna survegliada (uschenumnada pastuira), e quai per l'entira durada da l'expiaziun dal chasti. L'emettur transmetta signals electronics sur ina frequenza da radio al server dal EM. Sch'ils signals na correspundan betg als temps d'arrest da chasa programmads, datti in alarm che vegn transmess al SER.

### **Tge chastis pon vegnir expiads cun electronic monitoring?**

EM è pussaivel per chastis da detenziun da 20 dis fin maximalmain 12 mais. Plirs chastis vegnan adids. In arrest d'inquisiziun e da segirezza imputà na vegn betg resguardà per la calculaziun (princip brut). En cas da chastis parzialmain cundiziunads è decisiva la durada totala dal chasti (part cundiziunada e nuncundiziunada).

### **Tge premissas datti per l'electronic monitoring?**

- La persuna sentenziada sto far ina dumonda.
- La persuna petenta ha in dretg da dimora<sup>1</sup> per la Svizra e la dretgira n'ha betg pronunzià in'expulsiun.
- La persuna sentenziada ha ina plazza da laver u absolva ina scolaziun. Il grad d'occupaziun duai importar almain 20 uras per emna. Laver da chasa, laver d'educaziun u programs da laver per persunas dischoccupadas han il medem status.
- Las cundiziuns d'execuziun ston vegnir observadas.
- La persuna sentenziada ha in alloschi permanent ch'è adattà per il EM. In contract da locaziun ed in attest da domicil èn avant maun. Sco alloschi po vegnir en dumonda er ina chasa da dimora u ina furma d'abitar sumeglianta, orientada a la collocaziun permanenta, uschenavant ch'ella è adattada per l'expiaziun dal chasti e che la direcziun da l'instituziun accepta il EM.
- En l'alloschi po l'apparat da surveglianza transmetter datas electronicas sur ina colliaziun cun la rait fixa u mobila ed ils custs da telefon che vegnan chaschunads uschia èn pajads.
- La persuna sentenziada sto acceptar il plan d'execuziun ed il program da l'emna. Ella sto dar ses consentiment ch'ella concedia al SER – durant l'expiaziun dal chasti en il EM – da tut temp, er senza preannunzia, access a l'alloschi.
- Tut las persunas creschidas che vivan en la medema abitaziun ston acceptar l'expiaziun dal chasti en il EM. Sche la persuna sentenziada viva en ina chasa da dimora u en ina instituziun sumeglianta, sto la direcziun da l'instituziun acceptar quai. Il consentiment cuntegna a medem temp l'enclegentscha ch'i vegnia concedì al SER – durant l'expiaziun dal chasti en furma d'in EM – da tut temp, er senza preannunzia, access a l'alloschi.
- La persuna sentenziada sto cumprovar ch'ella haja in'assicuranza privata da responsabladad.
- I na dastgan esser avant maun nagins motivs professiunals, famigliars u auters motivs impurtants che pledan cunter l'expiaziun dal chasti en furma d'in EM.
- In privel da fugia sto esser exclus ed i sto esser segir ch'i na vegnian commess nagins ulteriurs acts chastiabels.

### **Tge custs resultan per l'expiaziun dal chasti en furma d'in electronic monitoring?**

La persuna sentenziada sto pajar ina contribuziun mensila da 600.00 francs resp. da 20.00 francs per di. Per quest intent ston vegnir prestads regularmain pajaments anticipads.

## Mesa-praschunia (MP)

En la mesa-praschunia cuntascha la persuna sentenziada cun sia laver actuala, cun sia scolaziun u cun sia occupaziun durant l'expiaziun dal chasti e passenta il temp da paus ed il temp liber en l'instituziun d'execuziun. L'instituziun d'execuziun fa ensemes cun la persuna sentenziada il plan d'execuziun. Quel cuntenga en spezial il temp da sortir a la laver ed il temp d'entrar en il stabiliment d'execuziun, e quai en coordinaziun cun il temp da laver. Per di da laver stattan a disposiziun a la persuna sentenziada maximalmain 14 uras ch'ella po passentar ordaifer l'instituziun d'execuziun, e quai per laver, per sa scolar u per autres occupaziuns, per mangiar, per far cumpras, per ir tar il medi, per liquidar chaussas administrativas sco er per far terapias individualas ed en gruppa. La persuna sentenziada sto per regla passentar 2 dis per emna en l'instituziun d'execuziun. Persunas en mesa-praschunia na pon betg vegin visitadas durant lur dimora en l'instituziun d'execuziun.

### Tge chastis pon vegin expiads en la mesa-praschunia?

La mesa-praschunia è pussaivla per chastis da detenziun da fin maximalmain 12 mais sco er per chastis restants (suenter la deducziun da l'arrest d'inquisiziun e da segirezza) da maximalmain 6 mais. Plirs chastis vegin adids.

### Tge premissas datti per la mesa-praschunia?

- La persuna sentenziada sto far ina dumonda.
- La persuna petenta ha in dretg da dimora<sup>1</sup> per la Svizra e la dretgira n'ha betg pronunzià in'expulsiun.
- La persuna sentenziada ha ina plazza da laver u absolva ina scolaziun. Il grad d'occupaziun duai importar almain 20 uras per emna. Laver da chasa, laver d'educaziun u programs da laver per persunas dischoccupadas han il medem status.
- Las cundiziuns generalas fixadas dal SER e l'urden da chasa da l'instituziun da la MP ston vegin observads.
- In privel da fugia sto esser exclus ed i sto esser segir ch'i na veginian commess nagins ulteriurs acts chastiabels.

### Tge custs resultan per l'expiaziun dal chasti en furma d'ina mesa-praschunia?

Per l'alloschi e per l'alimentaziun sto la persuna sentenziada pajar in pretsch custant mensil da 1200.00 francs resp. da 40.00 francs per di. La dunsena senza alimentaziun importa 750.00 francs per mais resp. 25.00 francs per di. Per quest intent ston vegin prestads regularmain pajaments anticipads. Cur che la persuna sentenziada cumenza cun l'expiaziun da ses chasti, sto ella purtar cun sai – ultra da la quittanza dal pajament da la dunsena da l'emprim mais – in deposit da 100.00 francs en daner blut. La locaziun mensila per l'apparat da televisiun ch'è avant maun en la cella importa supplementarmain 24.00 frans per mais resp. 80 raps per di.

### Tge che Vus stuessas anc savair areguard la mesa-praschunia?

Persunas sentenziadas che entran da nov s'annunzian per il termin fixà en l'instituziun d'execuziun correspondenta. Per la recepziun ston vegin pertads cun sai in document d'identitat persunal cun fotografia (permiss da manischar, passaport valaivel, carta d'identitat u document da legitimaziun da persunas estras), la quittanza dal pajament da la dunsena da l'emprim mais, in deposit da 100.00 francs, effects persunals sco vestgadira, vestgadira suten, chamscha da notg, pantoflas ed artigels da tualetta sco er in attest d'assicuranza per l'assicuranza d'accidents e da malsauns. La rauba da letg e la laschiva da frottar vegin messas a disposiziun.

A chaschun dal discurs d'entrada vegin infurmà davart la dimora sco er davart ils dretgs e davart las obligaziuns. L'urden da chasa vegin mess a disposiziun.

Persunas sentenziadas che entran da nov e ch'en en tractament medical vegin supplitgadas da purtar cun sia ils recepts ed ils attests dal medi. Senza ordinaziun medicala na dastgan vegin pertads nagins medicaments en l'instituziun d'execuziun. Il servetsch medical d'urgenza è garanti.

Persunas en mesa-praschunia che dovrano l'auto privat per ir a laver duain contactar l'instituziun d'execuziun per sclerir las pussaivladads da parcar.

Durant l'execuziun en MP procuran las persunas sentenziadas sche pussaivel sezzas per l'alimentazion. Sche la persuna sentenziada n'avess betg dad esser en cas da procurar sezza per l'alimentazion, po ella s'alimentar en l'instituzion d'execuziun. Il pretsch per quai sto vegrir pajà ordavant.

Congedis relaziunals pon vegrir concedids il pli baud suenter 2 mais dimora en l'instituzion d'execuziun.

## **Expiaziun dal chasti en in stabiliment giudizial en furma d'ina execuziun normala**

En cas da persunas sentenziadas che n'adempleschan betg las premissas per LUP, EM u MP u che na fan betg ina dumonda correspontenta entaifer il termin fixà, vala il termin per cumenzar l'expiaziun dal chasti ch'è vegrì communitgà en la brev da clamada. Il termin, entaifer il qual la persuna sentenziada sto entrar en il stabiliment giudizial Cazas Tinez u Realta per expiar il chasti, vegr fixà uschia ch'i resta temp avunda per reglar las fatschentas professiunalas e privatas (congedi u desditga da la piazza da lavur, regulaziun da la tgira dals uffants e.u.v.). En l'execuziun normala passenta la persuna sentenziada ses temp da lavur, da paus e da temp liber en il stabiliment giudizial. Entaifer il stabiliment giudizial è ella obligada da lavurar e survegn per quai ina indemnisiatiun da lavur correspontenta. Visitas da confamigliars èn pussaivlas. Per tgirar ils contacts personals cun confamigliars, per preparar la relaschada u per motifs spezialis pon vegrir concedids congesdi en ina dimensiun adequata, sche las premissas per quai èn ademplidas.

---

*1 Cun "dretg da dimora" è manegià il dretg concedi a persunas estras tenor ils art. 32 ss. da la lescha federala davart las persunas estras dals 16 da decembre 2005 (LEst; CS 142.20) da sa trategnair (almain durant in temp limità) en Svizra. Il dretg da dimora cumpiglia ils sustants titels da dimora: permissiun da domicil (legitimaziun C), permissiun da dimora (legitimaziun B), permissiun da dimora curta (legitimaziun L), persunas admessas provisoricamain (legitimaziun F), requirentas e requirents d'asil (legitimaziun N), persunas cun basegn da protecziun (legitimaziun S). Tut tenor il dretg da dimora dovrà eventualmain ina permissiun supplementara dal dretg da persunas estras per exequir in'activitatda gudogn.*